

Particula, figulus vase, colonus agro.  
 Conscendit apex convalli, præpura sacco  
 Rex famulæ, cineri lampas, oliva rubo.  
 Ne dispergat \* opes lupus hostis, cardine clauso  
 Intrat et exit ovis pastor et agnus ove.  
 Prodit \* messe sator, genitrix sit filia Patris,  
 Et geniti lactat filia Virgo Patrem.  
 Felix conjugium, dum se sacra verba maritant  
 Auricolæ <sup>10</sup> Verbum <sup>11</sup> sit caro, \*patre carens :  
 Angelus obstetrix, pater infans, sermo maritus,  
 Auris sponsa, parens nata, creator homo.  
 Intus et exterius totus, quia Virgine totus,  
 Totus apud Patrem, totus ubique Deus.  
 Felix partus, ubi caput orbe capaciore alma  
 Virgo Deum, soli pervia, sola Deo.  
 Felix partus, ubi parit aula pudoris, aperta  
 Quamquam clausa, velut sole micante vitrum <sup>12</sup>.  
 Excludit <sup>13</sup> fragilis naturæ crimina, pœnam,  
 Non culpam retinens Virgine sumpta caro.

**A** Cur pœnam retinens puniri venerat unde  
 Probra pati voluit, sputa flagella crucem ?  
 Rex pie, Rex fortis, Rex optime, te benedicant  
 Cuncta, Creatorem testificata suum.  
 Sit tibi laus, \* quia vivo ; loquor quia paucula scribo  
 Metra, tuum teneor concelebrare decus.  
 Quod portem teneo, tibi grates exigo, quamvis  
 Laus humana Deum magnificare nequit.  
 Te laus nulla canit, quia significatio vocum  
 Deficit auctorem <sup>14</sup> significare suum.  
 De virtute tua vocum penuria cogit  
 Nos, quasi vagitu deficiente, loqui.  
 Trinus et unus ades scribenti, ternus in uno,  
 Unicus in trino, sis benedictus. Amen.  
 Insontes elegi dormite, quiescite, vobis  
**B** Compator, fessis in paritate pedum.  
 Explicit, expletum <sup>15</sup> Tobiam qui legit, instet  
 Tobiam merita religione sequi.

Anno Domini 1315 <sup>16</sup>, Tiburtii et Valeriani <sup>17</sup>.

#### VARIÆ LECTIONES.

\* al. disperdat. \* al. perdit. <sup>10</sup> B. Mariæ ibid. <sup>11</sup> Filius Dei, ibid. <sup>12</sup> In alt. cod. transposita distincta. <sup>13</sup> al. exclusit. <sup>14</sup> al. actorem. <sup>15</sup> al. explicitum. <sup>16</sup> scil. die subintellectum vel incuria omissum. <sup>17</sup> Paulo post, in eodem latere alt. cod. subscriptum erat : *Explicit liber Tobias Mri (fortassis Magistri, Martini, vel Ministri) Cunradi. Quicumque is sit possessor, descriptor vel prefector, verus auctor est Matthæus Vindocinensis; sicque hic ante illum vixit et floruit.*

## MATTHÆI VINDOCINENSIS

### CARMINA VARIA.

(WRIGHT et HALLIWELL, *Reliquiæ antiquæ. Scraps from ancient manuscripts, illustrating chiefly early english literature and the english language*, London 1843, 8°, t. II, p. 257, ex codice Cremitanensi chartaceo sæc. xv, in bibl.oth. imperiali Vindobouensi asservato, quod communicavit Dr. Endlicher, Vindobouensis.)

#### COMMENDATIO PAPÆ.

Orbis ad exemplum papæ procedit, honestas  
 Seintillat, ratio militat, ordo viget.  
 Religione sacer est, voce modestus, honesti  
 Cultor, consilio providus, orbis apex ;  
 Quo duce provehitur ratio, sedet ira tepescens  
 In pacem, pietas officiosa viget,  
 Non sapit humanum sua conversatio, culpam  
 Deditans hominis, concipiensque Deum.  
 Condolet afflicto, misero miseretur, anhelat  
 Ad leges, reprimat crimina, jura fovet.  
 Papa docenda docet, prohibet prohibenda, reatus  
 Castigat, sceptrum spirituale tenet.  
 Hic animas ligat, et solvit, solvendo ligando  
 Cœlestis partes opilionis agit.  
 Nos proles, nos ejus oves, nos membra, tuetur,  
 Membra caput, genitor pignora, pastor oves.

**C** Disputat in papa virtutum concio, virtus  
 Virtutis certat anticipare locum ;  
 ro parte virtutum conflictus litigat, instat,  
 Quodque sacri pectus primitiare viri.  
 Justitia prior esse studet, moderantia certat,  
 Blanda sibi pietas appropriare patrem.  
 Quinta tribus prior esse studet, sapientia certat ;  
 Pro patre sit dos, cum dote sorore soror.  
 Jura rigent, maleet pietas, moderantia placat,  
 Sub perpendicularo singula sensus agit.  
 Quatuor his constat quadratus papa, propinat  
 Quadratura statum, perpetuatque fidem.  
 Hic quadratura fretus non nugat in usum  
 Criminis, et nescit nescius esse Dei.  
 Papa regit reges, dominos dominatur, acerbis  
**D** Principibus stabili jure jubere jubet  
 Provenit humanum pretium, fragilesque regans

Affectus, certat evacuare virum.  
 Trans hominum gressus extendit ab hospite vita,  
 Ad cælum patriam præmeditatur iter.  
 Commutare studet fixis fluitantia, certis  
 Vana, polo terras, hospitiumque domo.  
 Mens sacra vas ægrum fastidit, carcere carnis  
 Necti conqueritur spiritualis honor.  
 Mens sicut æternam sedem, pastorque frequentat  
 Hospitium terræ corpore, mente polium.  
 Non sacra sacrilego denigrant pectora morsu  
 Crimina nec pretium depretiare licet  
 Est bonus, est melior, est optimus, et bonitatem,  
 Si liceat, quarto quærit habere gradu.

COMMENDATIO MILITIS (L. CÆSARIS.)

Fulgurat in bello constantia Cæsaris, obstat  
 Oppositis, frangit fortia, sæva domat.  
 Ejus in afflictos pietas tepet, hostibus hostem  
 Se probat, et mitis mitibus esse studet.  
 Præradiat virtute duces, exemplar equestris  
 Officii pretio vernat, honore præit  
 In vetitum præcedit iter, suspirat ad usum  
 Militis, ad requiem torpet, ad arma volat;  
 Bella sicut, gladium lateri confœderat, ejus  
 Virtus defectus nescia, terga fugat.  
 In gladium sperare iuvat, jus iudice ferro  
 Metitur, gladio præside carpit iter.  
 Cæsaris ad nutus nutat fortuna biformis;  
 Casus ceu visus prosperitatis habet.  
 Cæsar in adversis surgit, nec jungit honorem  
 Vultus iratæ prosperitatis hiems.  
 Sæva premit, miseros fovet, et libamine juris  
 Compensat pacis, nequitiaque vices.  
 Jura pio sociat moderantia, de pietatis  
 Blanditiis ferrum giudiciale tepet.  
 Militat ergo modus, pietas ne jure supinet  
 Ne vita pueri diffiteatur opus.  
 Imperii gravitas mentem non pauperat, immo  
 Ad partes virtus particulata volat.  
 Dotibus ingenii vernat, non exsulat artes,  
 Non studium regimen imperiale fugat.  
 Ambitiosa sitis fidei non derogat, immo  
 In regnante sapit deliciosa fides.  
 Cæsar ab effectu nomen tenet, omnia cedens,  
 Nominis exponens significata manus.  
 Cui requies, requie privari, deesse labori,  
 Cui labor est, cujus passio, nulla pati.  
 Cui timor absentis vincit, cui fama laborat,  
 Ad tumulum cujus prælia nomen agit.  
 Cæsaris adventus pro Cæsare disputat, umbra  
 Nominis armati militat, arma gerit.  
 Strenuus, indomitus, pugnax, premit, asserit, urget  
 Hostes, bella, reos, ense, rigore, metu.  
 Audax, intrepidus, probus, imbuit, ampliat, implet  
 Arma, decus, vultum, sanguine, marte, minis.  
 Concipit, instaurat, ponit, vigil, impiger, instans,  
 Spe, dubiis, gladio, prælia, certa, reos.  
 Virtus, forma, fides, replet, adjuvat, instruit actus,  
 Virtutem, mentem, robore, laude, statu.

A Hoc pretio servivit ei sub jure tribuni  
 Roma, suo majus ausa videre caput.

COMMENDATIO MILITIS.

Purpurat eloquium, sensus festivat Ulixen,  
 Intitulat morum gratia, fama beat.  
 Linguae deliciis exuberat acer Ulixes,  
 Eloquio, sensu providus, arte potens.  
 Ne languescat honor mentis, facundia vernans  
 Ampliat, et reficit quod minus esse potest.  
 Ne sit lingua potens sensu viduata, maritat  
 Se linguae sensus interioris honor;  
 Fœlerat ingenium studio, cultusque maritus  
 Seminis in messem fructificare studet.  
 B Concipit ingenium sensu dictante, magistra  
 Discernit ratio, lingua ministra sonat.  
 Seminat ingenium, studium colit, asserit usus,  
 El mat ratio, consiliumque fovet.  
 Sensus præcursor, ratioque præambula, linguam  
 Hæredem faciunt dogmatis esse sui.  
 Non cellæ capitis in Ulixæ vacant, epitetum  
 Officiale tenent, prima, secunda, sequens.  
 Prima videt, media discernit, tertia servat;  
 Prima capit, media judicat, ima ligat.  
 Prima serit, media recolit, metit ultima, tandem  
 Prima, secunda capit, tertia claudit iter.  
 Prima ministrat opus reliquis, sic hostia prima,  
 Hospitumque media, posteriorque domus.  
 C Prima, secunda, sequens, includit, judicat, arcet  
 C Obvia, visa, fugam, peste, sapore, sera.  
 Stat medio rationis apex, et utrinque salu at  
 Hostia sincipitis, occipitisque scram.  
 Naturam virtute præit, fidusque magister  
 Intimus est hominis interioris homo.  
 Moribus egreditur hominem, præponderat ægre  
 Naturæ sensus, subvenientis honor.  
 Ponderat ancipites casus sapientia, justum  
 Seu reprobum, trutina iudice pendet opus.  
 Non nisi consulto liberamine juris in actus  
 Prodit, consulto mentis amica manus.  
 Contrariis vicibus confert contraria, dictis  
 Respondere suis consona facta facit.  
 Propositum facto vicino mancipat, ori  
 D Concolor, est mentis expositiva manus.  
 Non ætas animi virtutem pauperat, immo  
 Cortice de tenero spirat adultus odor.  
 Ætatem virtute domat, sua cana juvenus  
 Consilio redolet interiore senem.  
 Vota juventutis virtute supervenit ævi  
 Jura supergreditur mentis honore sui.  
 Mentis canities ævi castigat habenas,  
 Mensque stupet teneros anticipare dies.  
 Non animi florem fastus deslorat, honoris  
 Tanti delicias non premit ulla lues.  
 Non fortuna premit fortem, sentitque biformis  
 Unanimem, rigidum mota, caduca gravem.  
 Non valet Antiphates, seu Circes, sive Caribdis  
 Mentis Ulixæ debilitare fidem.

Vincit, alit, cumulat, fortis, consultus, honestus,  
Aspera, jura, fidem, vi, ratione, statu  
Prudens, facundus, largus, beat, ornat, honorat,  
Pectora, verba, manum, mente, decore, datis.  
Tullius eloquio, conflictu Cæsar, Adrastus  
Consiliis, Nestor mente, rigore Cato.

### VITUPERIUM STULTI,

Scurra vagus, parasitus edax, abjectio plebis,  
Est Davus rerum dedecus, ægra lues;  
Fomentum sceleris, mundi sentina, ruina  
Justitiæ, legum læsio, fraude potens;  
Semen nequitiae, veri jejunus, abundans  
Nugis, deformis corpore, mente nocens;  
Forma Tersites, ad fraudes Argus, ad æquum  
Tiresias, Verres crimine, fraude Symon.  
Militat ad vitium, virtutis nescius, hostis  
Naturæ, justum dampnat, honestum premit.  
Noxius ingenium nocuos dispensat in usus,  
Se totum sceleris vindicat esse domum.  
Spirat ad illicitum, confusio pacis, amoris  
Scisma, malis, peior, pessimus esse studet  
Effluit huc illuc, rimarum plenus, abundans  
Nugis, justa premit facta, tacenda refert.  
Vas sceleris, puteus vitiorum, plenus aceto,  
Nequitiae nescit nescius esse suæ.  
Mens inbuta malis, nescit nescire reatum,  
Peccantique potest esse magistra manus.  
Est grave consuetis vitii desuescere, vergit  
Noxius ad solitæ noxietatis iter  
Pullulat in speciem naturæ, concolor usus  
Et quasi naturæ filius esse potest.  
Non nequit esse nocens Davus, natusque nocere  
Dum nequit esse nocens degener esse putat.  
Est scelus innatum Davo, fraus omnis in unum  
Confluit, in propriam vindicat omne scelus.  
Qui fidei, qui juris inops, qui fraude laborat,  
Qui volat in vitium, qui pietatis eget.  
Gujus hōnor, quod honore caret, ejus tenor esse  
Absque tenore fides, non habuisse fidem.  
Cui scelus esse vitare scelus, cui crimen egere  
Crimine, cui frandis est puduisse pudor  
Quem leporem timor esse probat, quem præta leo-  
[nem,  
Cauda caprum, vulpem furta, rapina lupum.  
Quo duce mendicat ratlo, quo præside virtus  
Migrat in exsilium, pullulat ægra fides.  
Sola vocati casus inflexio, Davo  
Parcet, ibi non vox articulata tacet.  
Aeris est Davus sæx unica, digna cathenis,  
Digna Jovis trifido, fulmine digna mori.  
Blandimenta minis, odio comescat amorem,  
Peste bonum, raptu munera, fraude fidem.  
Ecce mali cumulus mens est scelerata, profanum  
Est corpus, fallax lingua, nephanda manus.  
Se negat hypocritam, nucleo nux consona, sor-  
[dent.  
Pari tabe, simili peste locale locus  
Ne pro se ponatur idem, consordeat, intus

A Et foris in Davo, metonymia perit.  
Conspectum dolet ad risum, risusque dolorem  
Pensat, et eventu prosperiore genit.  
Fæcis massa, pudor naturæ, sarcina terræ,  
Mensarum baratrum, stercoris ægra domus.  
Invidiæ stimulis coquitur mens fœda, colorem  
Captivat mentis, migrat in ora lues.  
Cursitat ad mensas, post prandia torpet, amicus  
Ventris, consumit pinguis, spernit olas.  
Non malus est, sed triste malum, consumere na-

[tus

Fruges, ad numerum non numerale facit.  
Ejus in adventum calices siccantur, egeno  
Mendicat dapibus mensa, lagena mero;  
Cui deus est venter, cui templa coquina, sacer-

[dos

B Est coquus, et fumus thura Sabæa sapit,  
Lance sedet, mensasque dapes incarceration, unde  
Pullulat et niniuum ventris amica Venus.  
In pateris patinisque studet, ructante venultu  
Et stridente tuba ventris, utrinque tonat.  
Inflictis dapibus moles præurgida, ventos  
Concipit, et Davus Æolus esse studet.  
Davus lians æger ventorum turbine fracto  
Carcere, dispensat quos cohibere nequit.  
Pergit ad incestum, Venus excitat ægra bilibres  
Fratres, membra tepent cætera, cauda riget.  
Metri dactilici prior intrat syllaba, crebro  
Impulsu quatiant menia fœda breves.

C Nequitia rabiem servilem prædicat, actu  
Enucleat servæ conditionis opus  
Urget blanda, furit ad libera terga rebellis,  
Ne vetito rectus limite carpat iter.  
Inubuit innocuos vitii, exuberat ægri  
Pectoris, in multos particulata lues.  
Saccus nequitiae, lucis caligo, macelli  
Tempestas, pestis sæva, vorago patens  
Noxius, æger, incers, commutat, destruit, urget,  
Gaudia, jura, bonos, scismate, fraude, dolo.  
Nudus, inops, vacuus, pretio, virtutis, honesto,  
Lite, furore, fide, gaudet, abundat, eget  
Eligit, optat, amat, depravat, spernit, abhorret,  
Jurgia, probra, scelus, fœdera, templa, dros,  
Quo nascente, suum virtus dum comperit hostem,

D Bella mihi video, bella parantur, ait.

### TEMPORUM DESCRIPTIO.

Ver roseum tenero lascivat flore, laborat  
Picturare Ream floridior comæ  
Solis amica calet æstas æstique redundans  
Nittitur interpres nominis esse sui.  
Vinitur autumpnus, Bachii pincerna, propinat  
Uvæ delicias, horrea messæ replet.  
Horret hiems triplici panno pellita, noverca  
Florum, lascivi pectoris ægra comes.  
Sunt partes anni bis binæ, ver tepet, æsta  
Æstuat, autumpnus uva dat, alget hiems.  
Ver florum genitor, æstas nutricula, fructu  
Ditior autumpnus, prodiga vestis hiems.  
Ver turbat renes, in vere furit Diogenes;

Ver Veneri juvenes impicit et senes.  
 Lucifer astra fugat, solis præcursor, ad ortum  
 Respirat, melior exule nocte dies.  
 Legat in exilium tenebras Aurora, cubile  
 Titani viduans, purpurat ora Jovis.  
 Hirsuto comitata gelu, lux serpit et ortus,  
 Tempora canicies anticipare stulet,  
 Uberius radios Phœbus dispensat, anhelant  
 Quadrupedes curru dimidiante diem  
 Migrat ad antipodes Phœbus, declivior axis  
 Vergit ad occasum languidiore rota.

### DESCRIPTIO LOCI.

Naturæ studium locus est quo veris abundant  
 Deliciæ, veris gratia, veris opes.  
 Tellus luxuriat crinito gramine, gramen  
 Vernat flore, tepet aurula, spirat odor.  
 Blanditur natura loco, donando favoris  
 Prodigæ, donatis rebus egere potest.  
 Donandi transgressa modum sibi nulla reservans,  
 Purpurat ornatu floridiore locum.  
 Perpetuat Zephyrus flores, hirsutaque bruma  
 Non infestat humum pauperiore coma.  
 Pullulat in flores humus, humida gleba maritat  
 Se glebæ, redolet flosculus, herba sapit.  
 Non rabies canis aut cancri, vernantis honorem  
 Floris commutat pauperiore toga.  
 Natali tumulo dulcis rosa dives amictu  
 Vernat, odoratus deliciosa comes.  
 Fœniculus crispato viret, quæ dives odore  
 Castigare solet spirituale malum.  
 Mollia nigrescunt vaccinia, naris amica;  
 Lilia procedunt candidiora coma.  
 Vertitur ad solem cyâne, grave vulnus amoris,  
 Phœbæi nutus prædicat herba sequax.  
 Salvia procedit, piperi quem leve maritat  
 Qui facit immensas luxuriare dapes.  
 Artemisia viget, quæ vultu glauca, saporem  
 Bachi deliciis luxuriare solet.  
 Quem castum redolet, pallet narcissus amoris  
 Indicium facie pallidiore gerens.  
 Qui procul Bachi festivat, surgit hysopus  
 Intitulare potens dolia plena deo.  
 Quod gustu commendat ovis vel dama popello  
 In triviis, raris crinibus, herba viret.  
 Petrosilla apis certantia vultu (sic)  
 Et simili similis denegat esse sapor.  
 Statura brevi trifolium sedet esca popelli,  
 Et jejunanti cœnula festa viro.  
 Quæ renes cessare jubet lactura noverca  
 Exsurgit Veneris, religionis amans.  
 Ad Venerem faciens genitrix eruca rigescit,  
 Suscitet ut semen candida cepa potens.  
 Vicinatur humi residens plantago, tumorem  
 Castigans carnis et residere jubens.  
 Prodit humo dormire studens papaver, ancti  
 Vernant deliciæ, naris amicus odor.  
 Purgatrix stomachi, faciensque tonitrua, purgit,

- A Surgit ab officii nomine nomen habens.  
 Lilia sectantur vestis candore, ligatur  
 Ad vulnus, faciens lanceolata jacet.  
 Pallescit rubor in viola, meliusque videtur  
 Nescio quis neuter inter utrumque color.  
 Oris deliciæ prodit gingember acutus,  
 Vernantes certat perpetuare comas.  
 Florescunt tima, victus apum quæ duplice fructu  
 Ditant luminibus templa, sapore gulam.  
 Disputat, et melius redolet, confictus odoris,  
 Et quæ non possunt singula, multa juvant.  
 Gustas apis florem carpens, labore magistro  
 Monstrans humanæ commoditatis her.  
 Non prædatori herosæ de flore tributum  
 Solvit, gratuitas inviolata loci.
- B Ne pereat matricis inops infantia floris,  
 Commodat altrices fons redivivus aquas  
 Vestit humum decus arboreum, frigusque propi-  
 [nans  
 Solis ad exilium nititur umbra tepens.  
 Quercus alumna suis cœlum vertice maritat,  
 Votivoque suum respicit ore Jovem.  
 Laurus vatis honos, hibernas despicit iras,  
 Et spoliis gaudet integritate frui.  
 Ulmus lata viret, triviis umbratilis, umura,  
 Titiæ, consurgit fagus amica tibi.  
 Albescit palmæ coma, ramus ejus œnoma  
 Audit, Christicola vociferante viro.  
 Astra petens, patulos in ramos pullulat illex,  
 C Quæ solet esse domus mellificantis apis.  
 Initiale mali semen vitæque noverca,  
 Ficus adest primo noxia prima patri.  
 Vicinatur humi buxus quæ sinistra propinat  
 Exhibis, tegimen ministeriale cruci.  
 Artificis mediante manu dans vasa Liei;  
 Pluribus in nodis præsolidatur acer.  
 Qui Bachi pateras prohibet requiescere, prodit  
 Vespertina gerens prandia, curva pirus.  
 Pomus progreditur dans succientia rauca,  
 Hirsula carboni conficienda mero.  
 Cerasa plena rubent, sed jacturam brevitatis  
 Illorum redimit deliciosus honor.  
 Arborei generis surgit regina cypressus,  
 Quæ regem regum tangere digna fuit.  
 D Testis amicitie Paridis, nymphæque repulsæ,  
 Pullulat in molles populus alba comas.  
 Frondescit platanus, cornus nodosa, noverca  
 Taxus apum, redolens cyamus, uda salix.  
 Egregio pollet effectu myrra, liquore  
 Vivifico, carnem luxuriare potens.  
 Altior ad nubes tollit caput ardua pinus,  
 Undis iudicibus expositura rates.  
 Virga propinatrix thuris consurgit, honorem  
 Votivæ mentis exhibitura Deo.  
 Prodit amigdaleus fructus quem febris avita  
 Torquet languenti sana dieta viro.  
 Pullulat ex cuius spolio tractura colorem  
 Artificem præstans vestibus, alnus adest  
 Flore rubet sapido, rubens mitescit odore

Armorum feritas, asperitasque togæ.  
 Ardua morus adest, cui momentanea proles  
 Sanguine Pirameo premitus alba rubet.  
 Æsculus egreditur avo majore reservans  
 Fructum mellitum concavitate cadi.  
 Vitis adest, nostrò major Jove tempore, plebis  
 Deliciæ, plebis gloria, plebis amor.  
 Plurima restat adhuc arbor, sed Musa labellum  
 Comprimit, et brevitatis auris amica placet.  
 Non infestat aquas solis tepor, immo teporem  
 Ramorum series orbiculata sonet;  
 Humor amicitiaë solis sua jura maritans  
 Destinatur in florum fructificare comas.  
 Altera gratuita superest, cumulantque decorem  
 Egregie studio garrulitatis aves.  
 Vociferans « occide, » dolens philomena querelas  
 Et sua jocundo dampna dolore canit.  
 Vox merula resonat, quæ facta domestica nostræ  
 Vocis adulterio nobilis esse solet.  
 Psittacus exclamat præsentatura triumphis  
 Cæsareis, lingua degenerante, « vale. »  
 In scelus, in litem certans armatur alaunda,  
 Læta prophetanti concinat ore diem  
 Argi luminibus stellatus pavo superbus  
 Et picturatæ vestis honore nitet.  
 Nilificat ramis Veneri dicata columba,  
 Incestum redimens simpliciore coma.  
 Turtur amica gemit, primo jurata marito  
 Continuativi pignus amoris amans.  
 Hic canit, hic habitat maculis distincta coturnix,  
 Et regido perdrix ex crucianda veru.  
 Qui proprias canit exsequias, mortisque propinquus  
 Despiciat articulum, fonte resultat olor.  
 Materiam logici conflictus pica propinquans,  
 Nescio quo medio membra colore tegit.  
 Birex nanus adest, qui staturæ brevitatem  
 Nominis intitulat nobilitate sui.  
 Non piccus fabricator abest, ovi fabrica rostrum  
 Dum sibi de sociis hospita tecta fodit.

A Garrula pigrescit et avara monedula sueta  
 Exilio nostros conceleberrare lares.  
 Vel patitur vel agit passer, cui nomina ponit  
 Et lumbis fluitans irrequieta Venus.  
 Non cornix, non corvus adest, non noctua sacrum  
 Blasphematur gemitus asperitate locum.  
 Non aquilæ primatus abest, nisi carmina plebis  
 Rumpat regalis conditionis honor.  
 Ergo relativos volucrum queremonia cantus  
 Dum movet, organicum carmen adesse putes.  
 Flos sapit, herba viret, parit arbor, fructus abun-

[dat,

Garrit avis, rivus murmurat, aura tepet.  
 Voce placent volucres, umbra calor, aura tepore,  
 Fons potu, rivus murmure, flore solum  
 B Gratum murmur aquæ, volucrum vox consona

[florum

Suavis odor, amnis frigidus, unda tepens.  
 Sensus quinque loci prædicti gratia pascit,  
 Si collative quæque notata putes.  
 Unda juvat tactum, gustum sapor, et sonus aurem;  
 Est volucris visus gratia, naris odor.  
 Non elementa vacant, quia tellus concipit, aer  
 Blanditur, fervor suscitatur, humor alit.  
 Ciceides Musæ, paulo majora canamus,  
 Vobis freta, freto vela secunda damus.  
 Non omnes arbusta juvant humilesque miricæ,  
 Immo juvat lauri participare vicem.

#### LOCI BREVIS DESCRIPTIO.

C Hic genius studet in melius, ver gramine pictum  
 Eximio terræ gremio præsentat amictum.  
 Pullulat herbula, nunciat aurula veris honorem;  
 Flosculus emicat, et rosa prædicat orta teporem.  
 Frons vitreus, fons nectareus, nova germina flo-

[ru u

Vivificat, fovet, amplificat, spirans odorem.  
 Non spoliatur nec depreciatur rigor hostis iniquus  
 Temperiem, retinet speciem flos veris amicus.